

Харслтин эрдм дасдж

а в х м н

1959 джилин декабрь сарин негшинд. Элст балгьснд Халыг республикин ДОСААФ-н 2-ч конференц болв. Республикин ДОСААФ-н 2-ч конференц деер республикин ДОСААФ-н комитетин ахлач ўр А. М. Добросердов тоочана доклад кев. Дарунь шўўври комиссин ахлач ўр Влохиня тоочана доклад соньсгдв.

Тоочана джилин эргид республикин райодин ДОСААФ-н комитетс болн ДОСААФ-н эклц организац дāанās харслтин специальность дасдж авцхадж. Райодин ДОСААФ-н комитетс ДОСААФ-н чледās йир олн шофермўд, трактористнр, мотоциклистнр, бу мергнār калгъна, усчлгъна мастермўд дасхдж гаргъв.

Яшалтинск, Западн, Юстинск райодин ДОСААФ-н комитетс ДОСААФ-н членā зерглāнд орулдж авлгъна болн членā тāvцин мōнъг цуглулдж авлгъна кōдлмш сāнār делгрўлдж.

Эн джил, халыг келн āмтн Арāsād сāн дурарн ирдж орсна 350 джилин оōнд нерādсн, 2 минъгън километр газрин агъуд мотоциклети дōрлдāн болв: Дакад Яшалтинск района ДОСААФ-н комитет Яшалта — Башанта, Башанта—Яшалта хоорнд мотоциклети дōрлдā кев.

— Республикин центр — Элст балгьснд бу халгъна клуб секгдāд джин болджана. Энўнās нааран бу халгъна клубин члед мергнār халгъна эрдм дасдж авцхав. Болв. Элст балгьснд бу мергнār халгъна эрдм дасдж авхар седг улс йир олн. Зуг бу халгъна тир уга болсн учрар, ўвлин кийтнд, зунин халунд кеер гарч бу хацхана-вдн. Тегād республикин ДОСААФ-н шинās сунъгъдсн комитет. 1960 джил Элст балгьснд бу халгъна тир, радио клуб тосхдж, терўнд олар члед орулдж авч, дāанās харслтин эрдм сāнār делгрўлхмн, — гидж делегат ўр Терещенко келв.

— Яшалтинск района колхозмудар, совхозмудар, школмудар, РТС-р болн района учрежденьсār ДОСААФ-н эклц организац бўрдгдв. Теднā чледās эн джилин тāvц мōнъг цуглулдж авлгън 100 процент кегдв. Мана района центр деер автомоциклети клуб гурви секц кōдлнā. Тернъ —

шофермўдин, мотоциклистнрин болн мергнār бу халгъна эрдм даслгъна секцс. Харслгъна болн дāннā эрдм даслгъна кергиг цаарандн делгрўлхин тōлā района ДОСААФ-н эклц организацин чледин тоогъинь икдўлдж. теднд селāнā эдл-ахуд кергтā специальность дасхх кергтā, — гидж делегат ўр Прокопенко келв.

— Приютн селāнд Элст балгъсна автомоциклети клубин āнъг секгдсн бāннā. Болв, шофермўд сургъдж гаргългъна чинринь цаарандн ясрулхмн. ДОСААФ-н члед дунд техническ медрл сāнār тархахмн, — гидж ўр Горбачев келв.

Халыг республикин ДОСААФ-н 2-ч конференц Дагестанск АССР-н ДОСААФ-н комитетин ахлач ўр Лохманюк, ДОСААФ-н кōдлмш ягъдж делпрдж йовхин тускар цāлгъдж ѓв. Дакад Дагестанск республикин ДОСААФ-н комитет ягъдж кōдлджāхин тускар келād, эврāннъ дамшлтин сўв-селвгāн ѓв.

Республикин ДОСААФ-н конференцд орлцджах делегатнрас 10 кўн босдж ўг келв. Конференцд олцсн делегатнр, — республикин ДОСААФ-н комитет, тер дотр энўнā ахлач ўр А. М. Добросердов, райодин ДОСААФ-н комитетс гардвр тātугъар ѓв, харслтин болн техническ кōдлмш муугъар кегдв, — гидж шалгъдж келцхāv.

Республикин ДОСААФ-н 2-ч конференцд КПСС-н Халыг танъгъчин комитетин сеглāтр ўр Ц. О. Саврушов, ДОСААФ-н ЦК-с кōдлāч ўр Чичин орлцв.

Тоочана докладин хōн республикин ДОСААФ-н комитетин членд 49 кўн, шўўлгънā комиссин членд 5 кўн сунъгъдж авгдв. Конференцин хōн республикин ДОСААФ-н комитетин бўрдāцин пленум болв, эн пленум деер республикин ДОСААФ-н комитетин ахлачд ўр А. М. Добросердов сунъгъдв.